

Bosna i Hercegovina

Босна и Херцеговина



Sud Bosne i Hercegovine

Суд Босне и Херцеговине

Predmet broj: S1 2 K 024811 20 K

Datum objavljivanja: 26.02.2021 godine
pismenog otpravka: 10.03.2021 godine

Pretresno vijeće u sastavu:

sudija Nenad Šeleda, predsjednik vijeća
sudija Branko Perić
sudija Džemila Begović

PREDMET TUŽILAŠTVA BOSNE I HERCEGOVINE
protiv

HAMZE LABIDI

PRESUDA

Tužilac Tužilaštva Bosne i Hercegovine:
Biljana Golijanin

Branilac po sl. dužnosti:
Bakir Hećimović, advokat iz Tuzle

U IME BOSNE I HERCEGOVINE!

Sud Bosne i Hercegovine, u pretresnom vijeću sastavljenom od sudije Nenada Šeleda, kao predsjednika vijeća, te sudija Branka Perić i Džemile Begović kao članova vijeća, uz sudjelovanje pravnog savjetnika-asistenta Srđana Marković u svojstvu zapisničara, u krivičnom predmetu protiv optuženog Hamze Labidi, zbog krivičnog djela, Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2., Krivičnog zakona BiH (KZ BiH), povodom optužnice Tužilaštva BiH broj: T20 0 KTT 013462 17 od 12.05.2020 godine, koja je potvrđena dana 15.05.2020 godine, nakon održanog ročišta za razmatranje sporazuma o priznanju krivice i ročišta za izricanje krivičnopravne sankcije, na osnovu odredbe člana 231., Zakona o krivičnom postupku Bosne i Hercegovine (ZKP BiH), u prisustvu tužioca Tužilaštva BiH Biljane Golijanin, optuženog Hamze Labidi i njegovog branioca, advokata Bakira Hećimovića, dana 26.02.2021 godine, donosi i javno objavljuje:

PRESUDU

Optuženi:

HAMZA LABIDI, sin Ridha Labidi i majke Sadžide Buljubašić, djev. Ribić, rođen 12.09.1998 godine u Zavidovićima, sa prijavljenim prebivalištem u ..., JMB: ..., po nacionalnosti ..., državljanin ..., pismen, završena osnovna škola, nezaposlen, lošeg imovnog stanja, neoženjen, nema djece, ne vodi se drugi krivični postupak

KRIV JE

Što je:

Dana 13.06.2014 godine oko 06:33 sati, odveden od strane svoje porodice sa teritorije Bosne i Hercegovine preko Međunarodnog aerodroma Sarajevo, po dogovoru sa njegovim očuhom Emirom Ališićem koji se već nalazio u Siriji, tako što je otputovao u Republiku Tursku u Istanbul, radi pridruživanja stranoj paravojnoj formaciji koja djeluje van teritorije Bosne i Hercegovine, a suprotno odredbama člana 2. i 3. Zakona o službi u Oružanim snagama Bosne i Hercegovine („Službeni glasnik BiH” br. 88/05, 53/07, 59/09, 74/10, 42/12) i to stranoj paravojnoj formaciji koja se borila protiv legitimnih vojnih snaga države Sirije, s ciljem rušenja sirijskog državnog poretka i koja je djelovala u okviru terorističke organizacije ISIL, odnosno Islamske države na području Sirije i Iraka, a koja organizacija je odlukom Vijeća sigurnosti UN-a broj SC/11019 od 30.05.2013. godine proglašena terorističkom organizacijom, a zatim, na tačno neutvrđen način, prešao granicu između Republike Turske i Sirije, nakon čega se pridružio i postao pripadnik paravojne formacije nepoznatog naziva, kojom je rukovodio Goran Pavlović, potom pripadnik paravojne formacije nepoznatog naziva kojom je rukovodio Ramo Pazara, i pripadnik paravojne

formacije tzv. jedinice pod nazivom „Bejt Komandos“, a koje su sve bile pod okriljem ISIL-a, na području gradova Rakka i Haritan, čiji pripadnik je bio u vremenskom periodu od juna 2016 godine do početka 2019 godine, kada se predao kurdsim snagama od strane kojih je na području Sirije bio zarobljen, nakon čega je dana 19.12.2019.godine deportovan u Bosnu i Hercegovinu te na graničnom prelazu Aerodrom Sarajevo, lišen slobode od strane pripadnika Državne agencije za istrage i zaštitu.

Čime je, počinio krivično djelo, Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2., Krivičnog zakona BiH,

pa ga Sud, na osnovu navedenih zakonskih odredaba, uz primjenu odredbi članova 39., 40., 42., 48., 49. i 50. Krivičnog zakona Bosne i Hercegovine:

OSUĐUJE

NA KAZNU ZATVORA U TRAJANJU OD 1 (JEDNE) GODINE

Na osnovu člana 56., KZ BiH, optuženom se u izrečenu kaznu zatvora ima uračunati vrijeme koje je proveo u pritvoru i to od 19.12.2019 godine do 29.07.2020 godine.

Na osnovu člana 188. stav 4. ZKP BiH, optuženi Hamza Labidi se oslobađa obaveze da nadoknadi troškove krivičnog postupka, te isti padaju na teret Budžeta BiH.

O b r a z l o ž e n j e

I Optužba

Optužnicom Tužilaštva Bosne i Hercegovine, broj: T20 0 KTT 0013462 17 od 12.05.2020 godine, Hamza Labidi je optužen da je radnjama opisanim u izreci ove presude, počinio krivično djelo, Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2. KZ BiH.

Sudija za prethodno saslušanje potvrdila je optužnicu dana 15.05.2020 godine, nakon čega se optuženi na ročištu za izjašnjenje o krivnji, održanom dana 17.06.2020 godine, izjasnio da nije kriv za krivično djelo koje mu se stavlja na teret, nakon čega je predmet upućen sudećem vijeću radi zakazivanja glavnog pretresa.

Glavni pretres u predmetu je počeo 15.07.2020 godine.

II Sporazum o priznanju krivnje

Dana 11.02.2021 godine između Tužilaštva BiH, optuženog Hamze Labidi i njegovog branioca, zaključen sporazum o priznanju krivnje, po kojem je optuženi priznao krivicu za krivično djelo opisano u optužnici, odnosno počinjenje krivičnog djela, Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2. KZ BiH, koji je 15.02.2021 godine dostavljen Sudu BiH na razmatranje.

Zaključenim sporazumom, optuženi Hamza Labidi je prihvatio da mu se za navedeno krivično djelo izrekne kazna zatvora u trajanju od 1 (jedne) godine, te se obavezao da nadoknadi troškove sudskog postupka i paušala, u iznosu i roku koje odredi Sud.

Dana 25.02.2021 godine, održano je ročište na kojem je Sud razmotrio dostavljeni sporazum.

U skladu sa članom 231., stav 6., ZKP BiH, Sud je najprije ispitao da li su ispunjeni svi uslovi propisani tačkama a) do e) navedene odredbe. Na održanom pretresu za razmatranje sporazuma o priznanju krivnje, Sud je utvrdio da je optuženi Hamza Labidi sklopio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za eventualne troškove krivičnog postupka. Sud je, takođe, utvrdio da je optuženi razumio da se na ovaj način odriče prava na suđenje i da ne može izjaviti žalbu na krivičnopravnu sankciju, koja će mu biti izrečena, kao i da postoji dovoljno dokaza o krivnji optuženog za krivično djelo koje mu je optužnicom stavljeno na teret. Ispitano je i da li je predložena kazna u skladu sa odredbama stava 3., člana 231. ZKP BiH.

U cilju donošenja odluke o prihvatanju ili odbacivanju sporazuma o priznanju krivnje, a nakon što je utvrdio da su ispunjeni uslovi iz člana 231., ZKP BiH, uz ocjenu da li postoji dovoljno dokaza da je optuženi počinio krivičnopravnu radnju, te da li se u njegovim radnjama stiču svi bitni elementi krivičnog djela za koje je i optužen, Sud je na ročištu povodom razmatranja sporazuma o priznanju krivnje, dana 25.02.2021 godine isti prihvatio, nalazeći da je optuženi Hamza Labidi, kriv za krivično djelo Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2. KZ BiH.

III Provedeni dokazi

Da je optuženi kriv za radnje koje čine obilježje krivičnog djela koje mu se stavljaju na teret, po ocjeni Suda, proizlazi ne samo iz njegovog priznanja, nego i iz dokaza predočenih i uložениh u sudski spis od strane Tužilaštva, na koje odbrana optuženog nije imala prigovora.

Naime, Sud se uvjerio da je broj i snaga dokaza opredjelilo optuženog za pregovaranje i zaključivanje sporazuma, zbog čega je iz iznijetih razloga, Sud sporazum i prihvatio. Cijeneći sve uložene dokaze Tužilaštva, Sud je utvrdio da iz istih proizlazi da je optuženi, počinio krivično djelo koje mu se stavlja na teret, a radi se o sljedećim uložениm dokazima:

Naredba za daktiloskopsko vještačenje u cilju utvrđivanja identiteta, Tužilaštvo BiH broj: T20 0 KTT 0013462 17 od 05.12.2019 godine, original (u optužnici pod brojem 9.) - **DT 1**; Akt, Ministarstvo unutrašnjih poslova, Uprava policije Sarajevo, Uprava policije, broj: T-02/3-456/19 od 26.12.2019 godine, sa prilogom Nalaz i mišljenje daktiloskopskog vještačenja broj: T-02/3-456/19 od 26.12.2019 godine, original (u optužnici pod brojem 10.) - **DT 2**; Fotodokumentacija, Hamza Labidi, utvrđivanje identiteta, Ministarstvo unutrašnjih poslova, Uprava policije Sarajevo, broj: T-02/3-456/19 od 23.12.2019 godine, original (u optužnici pod brojem 11.) - **DT 3**; Informacija o prelasku državne granice na ime Hamza Labidi, Ministarstvo sigurnosti BiH, Granična policija, broj: I-17-05-1-163/16-MC od 08.06.2016 godine, original (u optužnici pod brojem 1.) - **DT 4**; Informacija, Ministarstvo unutrašnjih poslova Zeničko-dobojskog kantona, Uprava policije, PU III, Policijska stanica

Zavidovići, broj: 08-04/11-1-04-2-7-INT-10-1/17 od 20.02.2017 godine, original (u optužnici pod brojem 2.) – **DT 5**; Izvod iz kaznene evidencije na ime Hamza Labidi, Ministarstvo unutrašnjih poslova Zeničko-dobojskog kantona, Uprava policije, PU III, Policijska stanica Zavidovići broj: 08-02-10/1-03-2-11-831/20 od 03.03.2020 godine, original (u optužnici pod brojem 23.) - **DT 6**; Fotodokumentacija, Zapisnik o uviđaju broj: I-16-14/1-04-1-748/13 od 21.03.2019 godine, Ministarstvo sigurnosti, Državna agencija za istrage i zaštitu, Regionalni ured Banja Luka od 10.03.2019 godine - **DT-7**; Zapisnik o uviđaju, Ministarstvo sigurnosti, Državna agencija za istrage i zaštitu, Regionalna kancelarija Banja Luka, broj: I-16-14/1-04-1-748/13 od 21.03.2019 godine, prilog CD sa audio-vizuelnim snimkom - **DT-8**; Zapisnik o uviđaju, Ministarstvo sigurnosti, Državna agencija za istrage i zaštitu, Regionalni ured Banja Luka, broj: I-16-14/1-04-1-748/13 od 20.12.2016 godine - **DT-9**; Fotodokumentacija, uviđaj, Ministarstvo sigurnosti, Državna agencija za istrage i zaštitu, Regionalni ured Banja Luka, broj : Kuv-44/16 od 10.02.2017 godine - **DT-10**; Zapisnik o uviđaju, Ministarstvo sigurnosti, Državna agencija za istrage i zaštitu, Regionalni ured Banja Luka, broj: I-16-14/1-04-1-748/13 od 10.03.2020 godine, prilog CD sa audio-vizuelnim snimkom - **DT-11**; Fotodokumentacija – zapisnik o uviđaju broj: I-16-14/1-04-1-748/13 od 10.03.2020 godine, Ministarstvo sigurnosti, Državna agencija za istrage i zaštitu, Regionalni ured Banja Luka, broj : I-16-14/1-04-1-748/13 od 10.03.2020. godine - **DT-12**; Molba za međunarodnu pravnu pomoć Tužilaštvo BiH br. T20 0 KTT 0010462 15; T20 0 KTT 0010333 15; T20 0 KTT 0011872 16; T20 0 KTT 0012366 16; T20 0 KTT 0018379 19; T20 0 KTT 0017656 19, T20 0 KTT 0018378 19 od 14.01.2020 godine, sa verzijom zamolnice prevedenom na engleski jezik - **DT-13**; Naredba za provođenje psihijatrijskog vještačenja Tužilaštvo BiH broj T20 0 KTT 0013462 17 od 04.02.2020 godine - **DT-14**; Sudsko psihijatrijski nalaz i mišljenje od 13.02.2020.godine – prim.dr Omer Ćemalović, subspecijalista forenzičke psihijatrije, stalni sudski vještak iz neuropsihijatrije - **DT-15**; Informacija Ministarstva pravde SAD-a broj: 187788942 od 25.07.2019 godine putem Državne agencije za istrage i zaštitu, broj: I-16-04-04-1-748-2716/13 - **DT-16**; Prevod informacije Ministarstva pravde SAD-a broj: 187788942 od 25.07.2019 godine, putem Državne agencije za istrage i zaštitu, broj: I-16-04-04-1-748-2716/13 - **DT-17**; Naredba, Tužilaštvo BiH broj T20 0 KTT 0011872 16 i T20 0 KTT 0013462 17 od 05.03.2020 godine - **DT-18**; Službena zabilješka, Ministarstvo sigurnosti, Državna agencija za istrage i zaštitu, Regionalna kancelarija Banja Luka broj: I-16-14/1-SZ-748-1029/13 od 20.12.2016 godine, sa fotografijom u prilogu - **DT-19**; Službena zabilješka, Ministarstvo sigurnosti, Državna agencija za istrage i zaštitu, Regionalna kancelarija Sarajevo broj: 16-16/1-260/20 od 25.02.2020 godine - **DT-20**; Ekspertna studija, prof.sc. Vlado Azinović, Fakultet političkih nauka, univerzitet u Sarajevu od 10.05.2020 godine - **DT-21**; Naredba za izradu ekspertne studije, Tužilaštvo BiH broj: T20 0 KTT 0010462 15, T20 0 KTT 0010333 15, T20 0 KTT 0011872 16, T20 0 KTT 0012366 16, T20 0 KTT 0018379 19, T20 0 KTT 0017656 19, T20 0 KTT 0018378 19 od 06.03.2020. godine - **DT-22**; Fco. Akt Ministarstva sigurnosti BiH broj 08-1-04-2-2208-1/15 od 08.04.2015 godine sa aktima u prilogu vezanim uz proglašenje ISIL-a terorističkom organizacijom, Odlukom o provedbi restriktivnih mjera utvrđenih rezolucijama Vijeća bezbjednosti UN-a od 09.11.2011 godine, sa prilogom akata Vijeća sigurnosti UN-a broj S/2014/815 - **DT-23**; Zapisnik o saslušanju svjedoka „N1“ - **DT-24**; Zapisnik o prepoznavanju osobe, Državna agencija za istrage i zaštitu broj:I-16-04/1-04-1-748-2962/13 od 04.03.2020 godine - **DT-25**; Rješenje Suda BiH, broj: S1 2 K 022881 20 Krn 3 od 11.03.2020 godine - **DT-26**; Zapisnik o saslušanju svjedoka V. D., Tužilaštvo Bosne i Hercegovine, broj T20 0 KTT 0011872 16 i broj T20 0 KTT 0013462 17 od 09.03.2020 godine - **DT-27**; Zapisnik o saslušanju svjedoka I. K., Tužilaštvo Bosne i Hercegovine broj T20 0 KTT 0011872 16 i broj T20 0 KTT 0013462 17 od 09.03.2020 godine - **DT-28**;

Zapisnik o saslušanju svjedoka I. K., Tužilaštvo Bosne i Hercegovine broj T20 0 KTT 0011872 16 i broj T20 0 KTT 0013462 17 od 11.03.2020 godine - **DT-29**; Zapisnik o saslušanju svjedoka N. P., Tužilaštvo Bosne i Hercegovine broj T20 0 KTT 0011872 16 i T20 0 KTT 0013462 17 od 09.03.2020 godine - **DT-30**; Zapisnik o saslušanju svjedoka N. P., Tužilaštvo Bosne i Hercegovine broj T20 0 KTT 0011872 16 i T20 0 KTT 0013462 17 od 11.03.2020 godine - **DT-31**; Zapisnik o saslušanju svjedoka Z. P., Ministarstvo sigurnosti, Državna agencija za istrage i zaštitu broj: 16-16/1-27/20 od 05.05.2020 godine - **DT-32**; Zapisnik o saslušanju svjedoka Mario Janeček, Tužilaštvo BiH broj: T20 0 KTT 0010462 15 i broj:T20 0 KTT 0010333 15 od 28.01.2020 godine - **DT-33**; Zapisnik o saslušanju svjedoka H. B., Ministarstvo sigurnosti, Državna agencija za istrage i zaštitu, Regionalna kancelarija Banja Luka broj:16-14/1-04-1-748-81/13 od 18.05.2016 godine, sa prilogom fotografije - **DT-34**; Zapisnik o saslušanju svjedoka Sadžid Ribić, Ministarstvo sigurnosti, Državna agencija za istrage i zaštitu, broj: I-16-14/1-04-1-748-15/13 od 24.01.2020 godine - **DT-35**; Zapisnik o saslušanju svjedoka S. D., Ministarstvo sigurnosti, Državna agencija za istrage i zaštitu broj: 16-16/1-56/19 od 20/21.12.2019 godine - **DT-36**; Zapisnik o saslušanju svjedoka S. D., Ministarstvo sigurnosti, Državna agencija za istrage i zaštitu, broj: 16-04/1-32/19 od 22.12.2019 godine - **DT-37**; Zapisnik o saslušanju svjedoka A. K.1, Ministarstvo sigurnosti, Državna agencija za istrage i zaštitu, broj: 16-04/1-26/19 od 20.12.2019 godine - **DT-38**; Zapisnik o saslušanju svjedoka A. K.1, Ministarstvo sigurnosti, Državna agencija za istrage i zaštitu, broj: 16-04/1-29/19 od 21.12.2019 godine - **DT-39**; Zapisnik o saslušanju svjedoka M. D., Ministarstvo sigurnosti, Državna agencija za istrage i zaštitu, broj: 16-04/1-25/19 od 20.12.2019 godine - **DT-40**; Zapisnik o saslušanju svjedoka M. D., Ministarstvo sigurnosti, Državna agencija za istrage i zaštitu, broj: 16-04/1-30/19 od 21.12.2019 godine - **DT-41**; Zapisnik o saslušanju svjedoka A. K.2, Ministarstvo sigurnosti, Državna agencija za istrage i zaštitu, broj: 16-04/1-31/19 od 22.12.2019 godine - **DT-42**; Zapisnik o saslušanju svjedoka A. K.2, Ministarstvo sigurnosti, Državna agencija za istrage i zaštitu, broj: 16-16/1-62/19 od 23.12.2019 godine - **DT-43**; Fotoalbum sa slikama lica državljana Bosne i Hercegovine koji su boravili ili borave na području Sirije - **DT-44**; Zapisnik o saslušanju svjedoka Samira Polić, Tužilaštvo BiH broj: T20 0 KTT 0013462 17 od 08.01.2020 godine - **DT-45**; Zapisnik o ispitivanju osumnjičenog Hamza Labidi, Tužilaštvo BiH broj: T20 0 KTT 0013462 17 od 27.12.2019 godine - **DT-46**; Izvještaj o počinjenom krivičnom djelu i izvršitelju, Ministarstvo sigurnosti, Državna agencija za istrage i zaštitu broj: I-16-14/1-04-1-748-1770/13 od 22.12.2016 godine - **DT-47**; Dopuna izvještaja o počinjenom krivičnom djelu i izvršielju, Ministarstvo sigurnosti, Državna agencija za istrage i zaštitu broj: I-16-14/1-04-1-748-1931/13 od 02.03.2017 godine - **DT-48**; Dopuna izvještaja o počinjenom krivičnom djelu, Ministarstvo sigurnosti, Državna agencija za istrage i zaštitu broj: I-16-14/1-04-1-748-2772/13 od 03.09.2019 godine - **DT-49**; Rješenje o određivanju branioca po službenoj dužnosti Sud BiH broj: S1 2 K 024811 17 Krn od 19.12.2019 godine - **DT-50**; Zapisnik o ispitivanju osumnjičenog Hamza Labidi, Tužilaštvo BiH broj: T20 0 KTT 0013462 17 od 27.12.2019 godine - **DT-51**; Odgovor na zamolnicu, Ministarstvo pravde BiH broj 08-14-5-177/20 od 02.11.2020. godine, u prilogu Akt Ministarstva pravde Sjedinjenih Američkih Država broj CRM-182-72026 od 23.10.2020 godine - **DT-52**

Obrana u toku postupka nije imala dokaznih prijedloga.

IV Relevantno materijalno pravo

Protuzakonito formiranje i pridruživanje stranim paravojnim ili parapolicijskim formacijama iz člana 162b., stav 2. KZ BiH

(1) Ko protivno Zakonu o odbrani Bosne i Hercegovine ili Zakonu o službi u Oružanim snagama Bosne i Hercegovine organizira, rukovodi, obučava, oprema ili mobilizira pojedince ili grupe ljudi s cijem pridruživanja, na bilo koji način, strancj vojncj, strancj paravojncj ili strancj parapolicijskij formaciji koje djeluju van Bosne i Hercegovine, kaznit će se kaznom zatvora u trajanju od najmanje pet godina.

(2) Ko se na bilo koji način pridruži strancj vojncj, strancj paravojncj ili strancj parapolicijskij formaciji, obučencj, opremjencj ili mobilizirancj u smislu stava (1) ovog člana, kaznit će se kaznom zatvora u trajanju od najmanje tri godine.

(3) Ko nabavlja ili osposobljava sredstva, uklanja prepreke, stvara plan ili se dogovara s drugima ili vrbuje drugoga ili preduzme bilo koju drugu radnju kojom se stvaraju uslovi za direktno počinjenje ovog krivičnog djela, kaznit će se kaznom zatvora u trajanju od jedne do deset godina.

(4) Ko javno, putem sredstava informiranja, distribuira ili na bilo koji drugi način uputi poruku javnosti, koja ima za cilj podsticanje drugog na izvršenje ovog krivičnog djela, kaznit će se kaznom zatvora u trajanju od tri mjeseca do tri godine.

(5) Počinilac krivičnog djela iz stava (1) ovog člana koji otkrivanjem grupe spreči počinjenje krivičnog djela ili otkrije grupu prije počinjenja krivičnog djela, kaznit će se kaznom zatvora u trajanju od šest mjeseci do tri godine, a može se i osloboditi od kazne.

(6) Odredbe ovog člana neće se primjenjivati na lica koja su na zakonit način stekla državljanstvo strane zemlje priznate od strane Bosne i Hercegovine u čijoj vojsci ili vojncj formaciji služe, ili služe vojnim formacijama pod kontrolom međunarodno priznate vlada od strane Ujedinjenih naroda, formiranim na osnovu zakona.

S obzirom da je riječ o krivičnom djelu koje u sebi sadrži i blanketni propis, isto je u konkretnom slučaju upotpunjeno relevantnim odredbama **Zakona o službi u Oružanim snagama BiH** („Sl. list BiH“, broj: 88/05, 53/07, 59/09, 74/10, 42/12)

Član 2. Zakona o Oružanim snagama BiH (Oružane snage)

Oružane snage podrazumjevaju sve vojne snage u Bosni i Hercegovini na način utvrđen Zakonom o odbrani Bosne i Hercegovine (“Sl. list BiH”, broj: 88/05)

Član 3. Zakona o Oružanim snagama BiH

(Lica na službi u Oružanim snagama)

(1) Na službi u Oružanim snagama mogu biti vojna lica, civilna lica i kadeti. Vojna lica su profesionalna vojna lica i lica u rezervnom sastavu dok su na službi.

(2) Profesionalna vojna lica su:

- a) Vojnici
- b) Podoficiri
- c) Oficiri
- a) Generali

(3) Civilna lica na službi u Oružanim snagama su zaposlenici na kojima se primjenjuju odredbe Zakona o radu u institucijama Bosne i Hercegovine (Sl. list BiH, brlj: 26/04, 07/05 i 48/05)

(4) Lica u rezervnom sastavu su

- a) Rezervni vojnici
- b) Rezervni podoficiri
- c) Rezervni oficiri
- a) Rezervni generali

(5) Pripadnici rezervnog sastava za vrijeme vršenja vojne službe imaju ista prava i obaveze kao i profesionalna vojna lica, osim ako ovim Zakonom nije drugačije propisano.

(6) Po vršenjem vojne službe u rezervnom sastavu podrazumjeva se vrijeme provedeno na obuci, vježbama i u izvršenju misija.

(7) Kadeti su lica kojima se u stručnim vojnim školama i akademijama obrazuju za profesionalnu vojnu službu u Oružanim snagama. Kadeti imaju prava i obaveze koje su propisane ovim Zakonom i propisima koje donosi Ministar odbrane Bosne i Hercegovine

V Utvrđenje krivice

Sud je analizom svih provedenih dokaza, kako pojedinačno tako i u njihovoj međusobnoj vezi, utvrdio da isti nisu ničim dovedeni u sumnju, naročito imajući u vidu izjašnjenje odbrane optuženog, da u potpunosti prihvataju dokaze, da na njih nema primjedbi niti prigovora, te da svi provedeni dokazi potvrđuju priznanje krivnje optuženog i činjenične navode optužnice, zbog čega su ocijenjeni kao nesporni i samim tim, nije potrebna njihova dublja analiza niti detaljnije obrazloženje u sudskoj odluci, *primjenjujući stav Apelacionog vijeća Suda BiH, naveden u Presudi, brlj: S1 2 K 023538 17 Kž, Zijad Hadžifejzović*. Sud je navedene dokaze ocijenio i prihvatio kao istinite, objektivne i nesporne, na osnovu kojih dokaza je utvrđeno da je optuženi Hamza Labidi, radnjama opisanim u optužnici, ostvario sva bitna obilježja krivičnog djela koja mu se stavljaju na teret, zbog čega je oglašen krivim.

U ovom dijelu, Sud nalazi bitnim za istaći da je nakon analize dokaza optužbe i činjeničnog opisa optužnice, izvršio intervenciju činjeničnog opisa optužnice u tehničkom smislu, na način da je dio opisa *„zajedno sa svojom porodicom napustio teritoriju Bosne*

i Hercegovine..”, zamjenio sa “..odveden od strane svjete porodice sa teritorije Bosne i Hercegovine..”, nalazeći da opisanom intervencijom, nije narušen subjektivni, niti objektivni identitet između optužnice i presude, niti je učinjena bitna povreda postupka, a istovremeno u potpunosti odgovara utvrđenom činjeničnom stanju.

U skladu sa naprijed navedenim, Sud je utvrdio da su u cijelosti ispunjene pretpostavke propisane članom 231., stav 6., ZKP BiH, za prihvatanje zaključenog sporazuma, te je donešena takva odluka, nakon čega je održan pretres za izricanje krivičnopravne sankcije, dana 26.02.2021 godine.

Nakon izjašnjenja strana u postupku i advokata, te nakon ocjene svih dokaza zasebno i u međusobnoj vezi, Sud je optuženog oglasio krivim, kako je to naprijed opisano.

VI Odluka o krivičnopravnoj sankciji i troškovima krivičnog postupka

Prilikom odlučivanja o krivičnoj sankciji optuženog, za krivično djelo za koje je oglašen krivim, Sud je shodno članu 48., KZ BiH, najprije imao u vidu zakonski okvir kažnjavanja za predmetno krivično djelo, ali i sve okolnosti koje mogu biti od uticaja da kazna bude veća ili manja (otežavajuće i olakšavajuće okolnosti), a naročito: stepen krivice, pobude iz kojih je djelo počinjeno, jačinu ugrožavanja ili povrede zaštićenog dobra, okolnosti pod kojima je djelo počinjeno, raniji život učinitelja, njegove osobne prilike i ponašanje nakon počinjenog krivičnog djela. Nakon analiziranja svih navedenih okolnosti Sud je ocijenio da će se izrečenom sankcijom, postići ciljevi specijalne i generalne prevencije.

S tim u vezi, za krivično djelo, Protuzakonito formiranje i pridruživanje stranim paravojnim ili parapolijskim formacijama iz člana 162b., stav 2. KZ BiH za koje je optuženi oglašen krivim, propisana je kazna zatvora od najmanje tri godine. Međutim, imajući u vidu niz olakšavajućih okolnosti na strani optuženog, koje je ocijenio kao naročito olakšavajuće, te nepostojanje elemenata koji bi se mogli okarakterisati kao otežavajuće okolnosti, Sud je primjenio odredbe o ublažavanju kazne, u skladu sa članom 49. i 50. KZ BiH i optuženom izrekao kaznu zatvora u trajanju od jedne godine.

Od naročito olakšavajućih okolnosti, Sud je kao temeljnu činjenicu cijenio da je optuženi Hamza Labidi, kako je to navedeno u činjeničnom opisu optužnice, odveden od strane svoje porodice kao maloljetno lice (15 godina starosti), dakle kao osobu koja je u kritičnom trenutku bila potpuno ograničena u očitovanju svoje volje, odnosno kada navedena ne proizvodi pravne učinke. Nadalje, Sud je cijenio činjenicu priznanja izvršenja krivičnog djela u ranoj fazi glavnog pretresa, što je u velikoj mjeri doprinijelo ekonomičnosti postupka, saradnju sa Tužilaštvom, njegovo loše materijalno stanje i nezaposlenost, odnosno neposjedovanja imovine od koje bi imao bilo kakva redovna ili povremena primanja. Istovremeno, Sud nije našao otežavajuće okolnosti u odnosu na optuženog Hamzu Labidi.

Nakon ocjene svih iznijetih činjenica i okolnosti, Sud je prihvatio sporazumom dogovorenu krivičnu sankciju, te je primjenom odredbi člana 39., 40., 42., 48., 49. i 50. KZ BiH, za krivično djelo, Protuzakonito formiranje i pridruživanje stranim paravojnim ili parapolijskim formacijama iz člana 162b., stav 2. KZ BiH, optuženom izrekao kaznu zatvora u trajanju od 1 (jedne) godine, u uvjerenju da će se sa takvom kaznom u potpunosti postići svrha kažnjavanja u smislu odredbi člana 39. KZ BiH, odnosno ostvariti

specijalna prevencija uticajem na optuženog da ubuduće ne čini krivična djela, kao i generalna prevencija u vidu uticaja na druge da ne čine krivična djela.

Sud takođe ističe da okončanje krivičnog postupka sporazumom o priznanju krivnje, podrazumjeva i aktivno učešće optuženog u izboru i odmjeravanju sankcije, te ukazuje na potpunije preuzimanje odgovornosti za počinjeno krivično djelo od strane optuženog, njegovo shvatanje i razumjevanje pogibljenosti djela koje je učinio, kao i spremnost na suočavanje sa posljedicama svojih djela i promjenu ponašanja, što će doprinijeti potpunijem ostvarenju svrhe krivičnih sankcija.

Na osnovu člana 188. stav 4. ZKP BiH, Sud je donio odluku kojom se optuženi Hamza Labidi oslobađa obaveze da nadoknadi troškove krivičnog postupka, te isti padaju na teret Budžeta BiH, cijeneći da je optuženi nezaposlen, bez bilo kakvih novčanih primanja, iz kojih razloga je Sud zaključio da bi nametanjem optuženom obaveze plaćanja troškova krivičnog postupka, egzistencija i izdržavanje kako njega lično tako i ostalih članova porodice s kojima živi u zajedničkom domaćinstvu, bilo dovedeno u pitanje.

ZAPISNIČAR
Pravni savjetnik - asistent
Srđan Marković

PREDSJEDNIK VIJEĆA SUDIJA
Nenad Šeleda

POUKA O PRAVNOM LIJEKU: Protiv ove presude nije dozvoljena žalba na izrečenu krivičnopravnu sankciju, niti žalba na vrstu procesa. (član 231. ZKP BiH). Iz drugih razloga propisanih Zakonom o krivičnom postupku BiH, žalba na ovu presudu može se podnijeti u roku od 15 dana od dana dostavljanja pismenog otpavka presude.